



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno Christi 1276 Usque Ad Annum 1312

**Fleury, Claude**

**August. Vind. [u.a.], 1766**

**VD18 90118251**

§. 50. Clemens V Papa.

---

[urn:nbn:de:hbz:466:1-67012](https://nbn-resolving.org/urn:nbn:de:hbz:466:1-67012)

piendo feci. Altera, ut me ac sectatores meos piorum communioni restituas. Tertia, ut in quinquennium omnes regni mei decimas mihi concedas pro sumptibus in bellum contra Flandros factis. Quarta, ut Papæ Bonifacii memoriam extinguas. Quinta, ut sacram purpuram Jacobo ac Petro Columnis reddas, & quibusdam de amicis meis conferas. Sextam reservo declarandam in tempore ac loco, quippe secretam & ponderosam. Omnes promisit præsul, ac promissum firmavit iurejurando supra SS.corpus Domini Nostri: insuper obsides dedit fratrem ac duos nepotes suos. Vicissim Rex juravit facturum se, ut ille in Papam eligeretur. Postea discessere ut amici optimi: & Rex abduxit obsides per speciem reconciliationis inter Archiepiscopum Carolumque Valesium conficiendæ.

Sæcul XIV.  
A.C. 1305.

Diplomata in  
Clemens V. Papa.

Ut primum Parisios Rex redierat, Cardinali Albertino & factioni ejus perscripsit suum cum Burdigalensi Præsule congressum, atque hunc eligi tuto posse. Res tam bene fuit gesta, ut responsum occultissime Perusiam adveniret triginta quinque dierum spatio. Acceptum

1305  
1305  
1305

Sæcul. XIV.  
A.C. 1305.

ceptum Albertinus mox cum factione sua clam communicavit. Adversis dein partibus agebant: Conveniemus omnes, quando placebit vobis: & pacto stabimus. Congregatæ proinde duæ factiones passionem suam solenniter habebant ratam per litteras & juramenta. Tum Cardinalis Albertinus præfatus divini codicis locum ad rem idoneum, orationem habuit, quam finiebat omnium nomine in Papam eligendo Bertrandum Degotum Archiepiscopum Burdigalensem, ac ingenti gaudio canebatur hymnus: *Te Deum*. Sic deceptæ sunt partes Bonifacii, putantes in Papam cooptatum esse virum, qui summæ ipsarum in se fiduciæ responderet. Hæc narratio tota est deprompta ex historia Joannis Villani.

to. II. conc.  
p. 1496.  
Rayn. 1305.  
n. 6.

At in electionis decreto litteris publicis consignato instar epistolæ ad novum Papam Cardinales loquuntur in hanc sententiam: Summa Sede per obitum Benedicti XI vacante, Perusie in palatio, quod mortis tempore incolebat, conclave sumus ingressi. Sed exierunt Cardinales quatuor, nempe Joannes Episcopus Tusculanus, Matthæus de S. Maria in porticu, Richardus de S. Eustachio Diaconi; & Gualterium Cardinalem Presbyterum, qui conclave post reliquos

Sæcul. XIV.  
A.C. 1305.

reliquos intraverat, pariter egredi coëgit morbus. Post hæc nostro e numero selectis, qui suffragia nostra colligerent, hodierno sabbato pridie Pentecostes ad electionem processimus hoc modo. Primum scrutatores examinari curavimus. Deinde hi inspecta clam suffragia nostra illico promulgarunt. Ita comperimus nos Cardinales omnino quindecim in conclavi hærentes suffragia nostra immisisse in urnam, ac decem e nobis te in Papam cooptasse. Quibus accesserunt quinque cæteri. Tum ex peculiari mandato nostro Franciscus Cajetanus Cardinalis Diaconus de S. Maria in Cosmedin te sic elegit: Ego in Summum Pontificem meo & omnium suffragantium nomine eligo Dominum Bertrandum Archiepiscopum Burdigalensem. Quam electionem cantato hymno Ambrosiano solenniter Clero ac populo ex more promulgandam curavimus. Dabant Perusiæ pridie Pentecosten 5 Junii anno 1305, & subscribebant septendecim Cardinales.

Decem, qui rite elegerant, erant Leonardus Albani, Petrus Sabinæ, Joannes Portus, Nicolaus Ostiorum Episcopi quatuor; duo Presbyteri, Joannes de SS. Petro & Marcellino, Robertus de S. Potentiana; & quatuor diaconi, Napoleo

Sæcul. XIV. leon de S. Adriano, Landulphus de S.  
 A.C. 1205. Angelo, Guilielmus de S. Nicolao in  
 carcere, ac Franciscus Cajetanus de S.  
 Maria in Cosmedin. Quinque, qui ac-  
 cesserunt, erant Theodoricus Episcopus  
 Prænestinus, Gentilis Presbyter de S.  
 Martino ad montes; ac tres Diaconi  
 Franciscus de S. Lucia, Jacobus de S.  
 Georgio ad velum aureum, & Lucas  
 de S. Maria in via lata. Duo cæteri  
 qui subscripserunt, erant Joannes Epis-  
 copus Tusculanus, & Gualterius Pres-  
 byter. Hoc electionis decretum fuit  
 missum per tres Oratores, Guidonem  
 Abbatem Belli Loci in dioecesi Viro-  
 dunensi, Præfectum ærarii Narbonensis  
 Ecclesiæ, & quendam Italum Catalau-  
 nensem Canonicum. Ferebant simul  
 Epistolam, qua Cardinales Papam in-  
 gnopere orabant, ut summæ sedis pos-  
 sessionem captum veniret, memorabant  
 que quibus periculis obnoxius esset  
 Romanæ Ecclesiæ status temporalis  
 & quam parum Christianis in terra  
 sacra restaret. Videntur prævidisse illum  
 trans alpes mansurum.

Sæcul.XIV.  
A. C. 1305.

S. LI.

*Initium Clementis V.*

**Bertrandus** Degotus Villandranti in  
diocesi Burdigalensi primam lucem  
aspexerat. Ejus pater dictus itidem  
Bertrandus, seu secundum alios Beral-  
dus erat Eques inter primarios provin-  
ciæ Nobiles, habebatque fratrem pariter  
Bertrandum nomine Aginnensem E-  
piscopum. Hujus nepos, qui est Papa,  
de quo loquimur, per Bonifacium VIII  
an. 1295 factus Episcopus Convenarum  
& paulo ante Natalem Christi an. 1299  
ad archiepiscopatum Burdigalensem  
translatus fuit, quem sex ferme annis  
possidebat, cum evasit Papa. Gaudebat  
fratre Beraldo Archiepiscopo Lugdunen-  
si ab anno 1290 usque ad annum 1294,  
quo hic creatus Cardinalis Episcopus  
Albanensis, an. 1295 in Franciam missus  
est Legatus cum Simone Prænestino E-  
piscopo ad agitanda consilia pacis inter  
Reges Galliæ Angliæque.

Rayn. 1305.  
E. n. 5.  
Baluz. hist.  
Pap. Aven.  
p. 61. Et 616.  
p. 1. Et 576.

Archiepiscopus Burdigalensis in agro  
Pictonico provinciam lustrabat suam,  
cum se in Papam electum comperit. Bur-  
digalam 15 Julii rediens ab instructo ob-  
viam procedentium agmine receptus  
est ingenti urbis ac provinciæ totius gau-  
dio.

p. 62. Et 623.

Baluz. hist.  
Pap. Aven.  
p. 61. Et 616.  
p. 1. Et 576.